

Saksframlegg

Saksbehandlar: Eva Solhaug Fosshagen, Samferdsleavdelinga
 Sak nr.: 16/160-3

Søknad om ruteløyve Flåm - Gudvangen frå Norwegian Fjord Voyage

::: Sett inn innstillingen under denne linja ↓

Fylkesdirektøren rår hovudutval for samferdsle til å gjere slikt vedtak:

Norwegian Fjord Voyage får tildelt ruteløyve på strekninga Flåm – Gudvangen på følgjande vilkår:

- a) Ruteløyvet gjeld i 10 år frå 01.04 til 30.10.25.
- b) Ruta skal gå i perioden 01.04 – 30.10.
- c) Krav til god vandel og tilfredsstillande økonomisk evne skal vere oppfylt i samsvar med til ei kvar tid gjeldande regelverk.
- d) Rettkjend kopi av ruteløyvet skal oppbevarast i fartøyet og visast fram ved ein eventuell kontroll.
- e) Fartøyet som vert nytta i rutedrifta skal til ei kvar tid fylle gjeldande vilkår stilt av sjøfartsstyresmaktene.
- f) Endring i rutetidene skal godkjennast av samferdsleavdelinga.
- g) Operatør må ha avtale med eigar av dei ulike kaiane på dei klokkesletta dei søker om ruteløyve på.

::: Sett inn innstillingen over denne linja ↑

... Sett inn saksutredningen under denne linja ↓

Vedlegg: Søknad om ruteløyve

Andre dokument som ikkje ligg ved:

SAKSFRAMSTILLING

1. Bakgrunn for søknaden

Norwegian Fjord Voyage har i mange år gått strekninga Flåm – Gudvangen med lukka gruppe. Til tider opplever selskapet stort trykk frå enkeltpersonar som ønskjer å vere med deira skip på denne turen. Norwegian Fjord Voyage søker difor om ruteløyve for perioden 1. april til 30. oktober for å kunne ta med «vanlige» reisande.

Det er ikkje nødvendig med ruteløyve dersom ein kun skal gå med lukka gruppe, men då må billetten på denne turen vere ein del av ein større pakke.

2. Vurderingar og konsekvensar

I yrkestransportlova § 7 punkt 1, står det at den som mot vederlag vil drive persontransport i rute med luftputefartøy, eller anna fartøy over 8 m lengde tilsvarande 4 bruttotonn må ha ruteløyve.

I § 4 i yrkestransportforskrifta, punkt 2 står det at løyve kan tildelast den som har

- a) god vandel
- b) tilfredsstillande økonomisk evne og
- c) tilstrekkeleg fagleg kompetanse

Ved søknad om ruteløyve på fartøy gjeld ikkje punkt c, jf. § 8 tredje punkt i yrkestransportforskrifta.

Eit løyve gjeld i 10 år, jf. yrkestransportlova § 27 punkt 2.

Andre opplysningar

The Fjords har ruteløyve på denne strekninga i dag, gyldig til 31.12.18.

3. Søknaden

Norwegian Fjord Voyage søker om ruteløyve for å kunne ta med enkeltpersonar mellom Flåm og Gudvangen på desse rutetidene:

Frå Flåm	kl. 08.45, 10.45, 12.15, 14.45 og 17.15
Frå Gudvangen	kl. 08.45, 11.00, 12.45, 14.45, 15.15 og 16.45

Andre opplysningar

Norwegian Fjord Voyage har fått reservert kai plass til båtane både i Flåm og Gudvangen av Hamnevesenet. Desse båtane skal ikkje nytte ferjekaia.

Aurland Hamnevesen skriv dette: *Aurland Hamnevesen KF har ingen innvendingar mot dette. Norwegian Fjord Voyage AS er tildelt kai plass i Flåm og i Gudvangen for sesongen 2016.*

4. Konklusjon

Fylkesdirektøren meiner det er positivt at Norwegian Fjord Voyage søker om ruteløyve når dei likevel opererer på denne strekninga. På denne måten kan fleire turistar få høve til å reise denne strekninga når dei ønskjer, sjølv om dei ikkje er del av ei lukka gruppe.

Operatør må sjølv gjere avtale om bruk av kaiane.

Hovudutval for samferdsle har ikkje sett eit øvre tak for kor mange ruteløyve som kan delast ut når det gjeld kommersielle ruter på strekninga Flåm – Gudvangen. Difor må alle som tilfredsstiller krava i yrkestransportlova få tildelt ruteløyve.

[... Sett inn saksutredningen over denne linja ↑](#)